



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel XXIII. Hoe H. Lenaerd te Gorcom is ghecomen, ende van yeghelijcken seer gheacht wierdt.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

ste / van den seluen Guardus naer Hollandt ghesonden / met sijn doodt betuyght ende vebestight. Daer-om als hy nu tot Gorcom wettelijck gheropen ende ghesonden was om de schaepkens des Heeren te hoeden / en heeft anders niet veur ghehadt dan hoe dat hy al-sulcken heplighen ende lastighen roep naer sijn uyterste beste soude moghen vol-doen. Ende dat dunckt my dat hy seer wel heeft ghedaen deur de gratie des Heeren / die naer het goedt behaghen van sijnen wille den waldom gheeft daer sijn dienaers gheplant ende ghewatert hebben.

## CAPITTEL XXIII.

Hoe H. Lenaerd te Gorcom is ghecomen, ende van yeghelijcken seer gheacht wierdt.

**A**ls hy eerst naer Gorcom reyde om de Pastoorije te gaen bedienen daer hy hem toe begheuen hadde / dick-wils by sy-seluen ouer-legghende wat grooten last dat hy aen-genomen hadde / sprak som-tijds niet sonder suchten dul-danighe woorden: **O** my alendigh mensch wat hebbe ick ghedaen / dat ick al-sulcken swaren ende moepelijcken last hebbe laten op mijn schouderen legghen? Waer-om hebbe ick consent ghegheuen die't my gheraden hebben? Waer-om hebbe ick soo lichtelijcken te vreden gheweest? Niet-te-min al en was hy niet sonder redene verbaert deur de vzele vande moepelijckheden ende swarigheden / nochtans lockte hem aen ende dreue hem voort de liefde die't al hopet ende al verdraeght. **O**ock de teghen-woordighe noodt der hepligher Kercken vereyschte met recht de hulpe van desen man / die van het beginstel af alle sijn veur-nemen ende becommeringhen tot desen eynde hadde ghelchicht. In deser manieren dan

dan heeft hy aen-ghenomen de Pastoorzije vande ghemeynte van Gorcom / op dat hy vijf ponden ontfanghen hebbende vanden Heere / deur syn benedictie noch vijf andere daer toe soude winnen. In welke ghemeynte ist qualijck te geloouen hoe grootelijcks dat syn auctoriteyt in corten tyde ghewassen is / niet deur eenighe ghelochte middelen vercregen / maer steunende principelijck op dese drie dinghen / de op-rechticheydt des leuens / de gheleerdtheydt ende wetentheydt van Goddelijcke dinghen / ende de sonderlinghe wel-sprekentheydt soo wel in sijne sermoonen tot den volcke / als in daghelijcksche t'samen-sprekinghe. Ende niet alleen en was hy soo groot geacht binnen Gorcom / maer de vermaerdtheydt sijns naems is verbruydt in alle de om-liggende steden. Soo dat in die plaetsen oock / ende niet alleen te Gorcom / vele menschen deur syn geleerdtheydt ende goede vermaninghe / eens-deels uyt de dwalinghe zijn ghebraght op den rechten wegh des waerhepds / eens-deels twantelende ende geneyght totte dwalinghe zijn bevesticht inde Catholijcke waerhepdt. Woordts hoe groot dat hy van gheleerde mannen gheacht is gheweest / magh daer uyt blijcken / dat op eenen tijdt te Louen in een openbare disputatie vande Theologanten t'ghene daer af wierdt ghedubt / wierdt verclaert met syn maniere van doen / ende voorzdtl-brengghende sijnen naem / seyden sy: In sulcken ghevalle doet de Pastoor van Gorcom al-soo. Wat wil ick meer legghen? Dese man ghelijck hy inde heylighe Godtheydt wel gheleerd was / al-soo was hy oock in spreken maghtigh om te leeren / gheweldig om te vermanen / crachtigh om wijs te maecken / om te disputeren wonderlijck dapper ende ghereedt / ende daer in soo cloeck ende onberwinnelijck / dat niemant vande

weder-partije wel en dorste met hem te velde comen. Ten lesten ( d'welck oock gheenen cleynen lof te rekenen en is ) in vele dinghen onder-vonden ende her-baren / wieste alle sijn wercken soo wel aen te stellen / dat hy niet lichtelijck inde op-sprake vande quaedt-willighe en soude gheballen hebben.

## CAPITTEL XXIIII.

Van sijn oodt-moedigheyt , ende andere deughden .

**B**haluen alle t'ghene dat wy van desen man verhaelt hebben maecte hem grootelijcks bemindt by eenen peggelijcken sijn wonderlijcke oodt-moedigheyt ende beleeftheyt ende vziendelijckheyt van manieren / die hy nochtans al-soo wieste te temperen met stemmighen / dat hy sijn ontslagh ende liefelijckheyt beyde wel bewaerde. Waer deur geschiedde dat de mildtheyt der goeder borgheren tot hem meer gheneyght was / ende dat hem vander stadts wegghen ( midts dat sijn ordinaris inncromen seer cleyn ende sober was / by-sonder die soo gastbaer ende liberael totten armen was ) upt het ghemeyn innc-comē toe-geschickt waren hondert gouden croonen s'iaers / hoe wel dat hy van dese ordinantie / om de vervolginghe die cozts daer naer teghen hem ende andere dienaers des Heeren is opghestaen / noyt yet en heeft ghenoten . Sijn mildtheyt totte arme menschen was groot ende gheduerigh / maer heeft aller-meest ghebleken ten tijde aller een groote hongers-noodt by ghebreke van graen op-ghelesen / by-naer heel Neder-landt heeft bedoruen. Want all-doen en heeft hy niet alleen sijn goet upt-ghedept / maer t'schene dat hy oock t'binnenste van sijn herte soude upt-ghestort hebben deur de arme men-